

Պերճանքը չունինք ժամականառութեան

Զաւէն Խաննեան

Ով քնած է՛ք՝ արթուն կացէ՛ք
Ով արթուն է՛ք՝ ելէ՛ք կեցէ՛ք
Ով կեցել է՛ք՝ գեղն կապեցէ՛ք
Զեղն է՛ք կապել՝ ձի թամբեցէ՛ք
Զի է՛ք թամբել, ելէ՛ք հեծէ՛ք
Յետոյ չսաէ՛ք՝ թէ մեղն քնած
Դաւիթ գող-գող եկաւ գնաց

Յ. Թումանեան

«Սասունցի Դաւիթ»

Ճակատագրապաշտ չեղն, ոչ ալ բնութեամբ յոռետես, բայց եւ այնպէս այնքա՛ն բարդ եւ հանգոյցները, այնքա՛ն մութ ծալքերը, այնքա՛ն խոր հակամարտութիւնը եւ այնքա՛ն տարածուն բեւեռացումները, որ ոչ մէկ գիտուն կամ մասնագէտ կարող է գուշակել ելքը այն աղէտին որ անգամ մը եւս եղաւ մերը՝ հայութեանը, այս անգամ հարուածելով Սուրիան եւ Սուրիահայրիւնը:

Սուրիան՝ ամենախաղաղը մեր գաղութներուն, ամենանդորրը Սփիւռքահայութեան, ամենաբնաւորականը յետեղեղեղեան մեր իրականութեան եւ ամենահայրենամերձը ցեղասպանութենէն փրկուած արեւմտահայութեան:

Բոլս՛քը դերակատար եւ: Երկրագունդի վրայ չկայ երկիր, քաղաքական հոսանք կամ խմբակցութիւն որ դիրք չբռնէ, կամ աւելի ճիշտ, դիրք բռնել չտան այս տագնապի ուղղութեամբ:

Եթէ շփոթած է՛ք, մի՛ գարմանա՛ք: Առանձին չէ՛ք անդրադառնալու թէ երէկուայ թշնամիները Սուրիոյ սահմանամերձ երկիրներու մէջ այսօր դաշնակիցներ դարձած են: Զըրջիլ կարծեմ, ըսած է՝ չկան մշտական թշնամիներ կամ դաշնակիցներ, այլ կան միայն մշտական շահեր:

Այնքա՛ն ուժեղ, կարող, կամեցող եւ վճռական կը թուին ըլլալ վարագոյրներու ետին հտպիսներ խաղցնող կամայապաշտ տիրակալները որ յոյս չի տար խաղաղութեան մօտալուտ ակնկալութեան մը:

Երանի՛ր սխալած ըլլանք: Բայց եւ այնպէս անգուր եզրակացութիւն մը այնքա՛ն ալ անտրամաբանական չի թուիր: Ժամը օրհասական է: Ճգնաժամային: Երբ երէկ կրակն ու աւերը, պայթիւնն ու ռումբը, զինեալն ու վարձկանը կը տողանցէին Թիւրքի եւ Ճիտէյտէի թողերուն մէջ, վաղը նոյնը կարող է պատահիլ Նոր Գիւլի եւ Սուլէմանիէի, Կայարանի եւ Ազիզիէի, Դամասկոսի, Քէտապի եւ Գամըշիի մէջ:

Դաւիթի ահագանքը նաեւ մեզի համար է: Եթէ ո՛չ հիմա, հապա եր՞բ: Եթէ ո՛չ Սուրիոյ մայր գաղութը, հապա ո՞վ: Երբ անոնք ինքնապաշտպանութեան տագնապը կ'ապրին, մենք անցնինք յարձակողականի: Կառուցողական ոգիով, դառնանք ներգործող, արագ, շտապ եւ ինքնավստահ:

Մենք պերճանքը չունինք ժամավաճառ ըլլալու: Հասնիլ ձեզի, հասնիլ բոլորի՛ն մարդկայնօրէն կարելի չէ:

Ուստի գործ կա՛յ ինծի եւ գործ կա՛յ ձեզի: Օ՛ր ուրեմն, անցնինք աշխատանքի, տարածենք օժանդակութեան բարի լուրը, միասնաբար հասնինք բոլորին: Հասնինք ընտանիքի անդամներուն, բարեկամներուն, հարեւաններուն, մօտ թէ հեռու: Անձամբ, հեռախօսով, է-նամակով կամ ոտաւոր: Հասնինք թաղէ թաղ, տունէ տուն, յարկաբաժինէ յարկաբաժին: Զարնենք դռները եւ հարց տանք:

«Նպաստդ բերի՞ր Սուրիահայութեան»

Գաղութ մը որ մէկ դարեկան է:

Գաղութ մը որ մէկ դար շարունակ տուաւ իր մարմինէն: Անոր բաբախուն սրտէն արիւնը հոսեցաւ աշխարհացրիւ գաղթօնախնեքու երակներուն մէջ, աւիւն եւ աւիւ հայրայթելով նորատարած հայու մարմնին: Կնքուած հայրենասիրութեան մաքուր, անշեղ, վառ եւ անեղծ կնիքով մը տարածուեցաւ երկրագունդի ամէն կողմերը ու մակարդի նման շաղախուած նոր կեանք տուաւ հայութեան՝ անշաղախօնդի եւ կամաւոր աշխատանքի, պատասխանատուութեան գիտակցութեան եւ լրջախոհ ծառայութեան ազնիւ օրինակով:

«Նպաստդ բերի՞ր Սուրիահայութեան»

Թէ պէ՛տք է սարքել ընդունելութիւններ, կրնանք ընել եւ պիտի ընենք:

Թէ պէ՛տք է ծրագրել թելեթոն, կրնանք ընել եւ ծրագրենք թերեւս:

Թէ պէ՛տք է ծրար, թուղթ, պաշտօնականութիւն, նրբութիւն եւ մասնագիտական աշխատանք, բոլորը տեղին են եւ անհրաժեշտ:

Բայց մի՛ սպասէք հանիք:

Բայց մի՛ տատամսիք հանիք:

Ժամավաճառ մի՛ ըլլաք:

Ուշացումի պերճանքը չունինք:

Այսօր իսկ գոհողութեան գնով գրեցէ՛ք ձեր նուէրագիր չէ՛ք:

Հասցէն հետեւեալն է:

Syrian Armenian Relief Fund
P.O. Box 1948
Glendale, CA 91209-1948

Ով ֆնել է թող արթննայ...

Յետոյ չասէք թէ մենք ֆնած

Սուրիահայը...ինկար գնաց:

Օգոստոս 24, 2012